


مكتبة الأسرة الروائع



بيروت
نفسك



الهيئة المصرية
العامة للكتاب

حقيق واحيان رشدي صالح



مختارات بيرم التونسي



مهرجان القراءة للجميع ٩٦
مكتبة الاسرة
برعاية السيدة سوزان مبارك
(روائع الادب العربي)

مختارات بيرم التونسي رشدى صالح	الجهات المشتركة: جمعية الرعاية المتكاملة المركزية
لوحة الغلاف للفنان جمال قطب	وزارة الثقافة وزارة الإعلام وزارة التعليم
تصميم الغلاف الانجاز الطباعى والفنى محمود الهندى	وزارة الحكم المحلى المجلس الأعلى للشباب والرياضة التنفيذ: هيئة الكتاب
المشرف العام د. سمير سرهان	

مختارات بيرلم التونسي

تحقيق واشراف
رشدی صالح

على سبيل التقديم . . .

لأن المعرفة أهم من الثروة وأهم من القوة فى عالمنا المعاصر وهى الركيزة الأساسية فى بناء المجتمعات لمواكبة عصر المعلومات.. من هنا كان مهرجان القراءة للجميع دلالة على الرغبة الطموحة فى تنمية عالم القراءة لدى الأسرة المصرية اطفالاً وشباباً ورجالاً ونساءً..

وكان صدور مكتبة الأسرة ضمن مهرجان القراءة للجميع منذ عام ١٩٩٤ إضافة بالغة الأهمية لهذا المهرجان كاضخم مشروع نشر لروائع الأدب العربى من أعمال فكرية وإبداعية وايضاً تراث الإنسانية الذى شكل مسيرة الحضارة الإنسانية مما يعتبر مواجهة حقيقية للأفكار المدمرة.

هكذا كانت مكتبة الأسرة نافذة مضيئة لشباب هذه الأمة على منافذ الثقافة الحقيقية فى الشرق والغرب وعلى ما أنتجته عبقرية هذه الأمة عبر مسيرتها التنويرية والحضارية..

إن مئات العناوين وملايين النسخ من أهم منابع الفكر والثقافة والإبداع التى تطرحها مكتبة الأسرة فى الأسواق بأسعار رمزية أثبتت التجربة أن الأيدى تتخاطفها وتنتظرها فى منافذ البيع ولدى باعة الصحف لهو مظهر حضارى رائع يشهد للمواطن المصرى بالجدية اللازمة والرغبة الأكيدة فى الإسهام فى ركب الحضارة الإنسانية على أن يأخذ مكانه اللائق بين الأمم فى عالم أصبحت السيادة فيه لمن يملك المعرفة وليس لمن يملك القوة.

د. سمير سرحان

تصدير

هذه مجموعة مختارة من أشعار وأزجال ومواويل بيرم التونسي، اعتمدنا فيها على طبعة الهيئة المصرية العامة للكتاب فى أجزاء متتالية، راعينا فيها الجمع بين النقد الاجتماعى والسياسى والسخرية والقصائد التى تمثل نزعتة الشعرية الأصلية.

وبيرم التونسي هو شاعر العامية المصرية الأول بلا منازع، وكلنا يذكر رثاء صلاح جاهين له عندما توفى بيرم والتى يتصور فيها أن عروس الشعر تسأله عن المتوفى:

مين اللى مات يا شباب يا بومدموع
قالت عروس الشعر للموجوع
مين اللى مات يا شباب ليكون أبويا
أنا قلت أبونا كلنا يا صـبـيـة!

ولم يبالغ صلاح جاهين، وربما كانت عبقرية بيرم هى التى جعلت أحمد شوقى أمير العشراء يخاف على الفصحى من بيرم دون سواه.

وبعد فهذه مختارات محدودة نرجو أن تحفز القارئ على الرجوع إلى دواوينه كلها والاستمتاع بفنّه الراقى.

مكتبة الأسرة

عرفات

مواكب الإسلام جاية على عرفات
فى ملبس الإحرام ترتل الدعوات

متجربين لله من كل مجد وجاه
منضرعين لسماءه ومحتاجين لرضاه

يا موطن الأجداد فى سالف الأمداد
استقبل الأحفاد فى أكبر الاعياد

جاية وفود الكون من كل جنس ولون
ومن بعيد وقريب حبيب يلاقى حبيب

أخوة الإسلام لكل عين ونظام
الروم ما هم أروام ولا العجم أعجام

يا مصرى أنت اللى هاممنى^(١)

من قبل ما أكتب أنا عارف القول ضايع
والأجر بالتاكيد ذاهب حسب الشايع
والشم حايجينى مسوَجِر من واد صايع
مهما انكويت بالنار والزيت برضك فنان

يا مصرى وانت اللى هاممنى من دون الكل
هزيل ويحسبك الجاهل عيان بالسل
من دى الكيُوف اللى تصبّر على كتير الذل
ونمت والعالم فـايق قـوم بُص وطل
شوف الشعوب واتغصّ ودوب وارجع إنسان

واللى المنى ويكانى إنت يا شـامى
عـالـاـكـل نازل طول عمـرك بارـد حـامى
وقلت لى لما نهيتك مصرى حرامى

(١) نشر بـيرم هذا الزجل بعنوان الشرق

لصد ما الجزار خلأ جرحك دامى
والله الخروف سايب معلوف ما يفوته جعان

والمغربي المسلم راخر ابو زر فاششوك^(١)
لما انتققدته فززع قال لى يلعن بو أبوك
وأنا اللى قصدى أشوف قيده يصبح مفكوك
لقيته فرحان به راضى طيب مبروك
خليك فقير دق البندير وكل التعبان

روح العراق راخر قول له كيف الأحوال
لأمتى تفضل يا أخينا بحرام وعقال
ما تعرف الجاز يستعمل غير للمشعال
الطم بقى وقول ويايه الجاز أموال
واوعى المداس يغلت تحتاس وتقول لى أمان

يا شـرقـ فـيـك جـو منور والفكر ضـلام

(١) زذ الطربوش المغربي

وفيك حرارة يا خسارة ويرود أجسام
فيك سبعميت مليون زله^(١) لكن أغنام
لا بالمسيح عرفتوا مقامهم ولا بالإسلام
هي الشموس بتخلي الروس كدا هو بدنجان

(١) الشخص في اللهجة اللبنانية الدارجة

حاتجن يا ريت يا اخونا مارحتش لندن ولا باريز

حاتجن يا ريت يا اخونا مارحتش لندن ولا باريز
دى بلاد تمدين ونضافة وذوق ولطافة وحاجه تفيظ

ملاقيتش جدع متعافى، وحافى، وماشى يقشر خص
ولاشحط مشمرخ افندى معاه عود خلكه ونازل مص
ولالب اسمر وسودانى وحمص وانزل ياتقزقيز
حاتجن يا ريت يا اخونا مارحتش لندن ولا باريز

ولا عركه فى نص الليل دايره بالهيل وساحبها بوليس
قدامها جدع متجرجر وشه معور قال دا عريس
الخلق ماهى بتتجوز واسمعنى احنا مفيش تميز
حاتجن يا ريت يا اخونا مارحتش لندن ولا باريز

ولا واحده فى وش الفجر تبرطع مالىه الدينا صوات
قال ايه جوز خالتي ام احمد سلفة اخوها السيد مات

سبحانك ما أعظم شأنك واللّٰه الموت دا مفيد ولذيد
حاتجن يا ريت يا اخونا ما رحتش لندن ولا باريز

ولا واحد طالع يجرى وواحد تانى بيجرى وراه
ويقول ها مع حصلتك يابن اللى ابصر ايه عاملاه
لا الشارع غيط يا اخونا ولا احنا بداره ولا احنا معيز
حاتجن يا ريت يا اخونا ما رحتش لندن ولا باريز

ولا واحد بيبيع حاجة يقول بريال وتأخدها بصاغ
يا اخونا دى حتى الإبره تأخدها بدوشة وقلب دماغ
حلفان وعراك ومناهدة ويمكن ضرب كفوف يا حفيظ
حاتجن يا ريت يا اخونا ما رحتش لندن ولا باريز

ولا فيش ميت ألف صعيدى بتوع يا نصيب هاجمين ولا فيش
ميت ألف معوض داعس جاى معاه صندوق ورنيش
واللّٰه كرهت القهوة وكرمت اقعد عالافاريز
حاتجن يا ريت يا اخونا ما رحتش لندن ولا باريز

ولا شففتش ده اللي بلاسه وده اللي بعمه وده بطريوش
ملايسنا ياناس تشكيله تعد اصحابها ما يتعدوش
بول ناس كنا احسن منهم قول ومسيرنا ياذن الله
نبقى احسن منهم برضك بعد الدرس اللي اخدناه
والله دا عيب نتهجي دروس يا اساتذه على التلاميذ
حاتجن يا ريت يا اخونا مارحتش لندن ولا باريز

من كلمة هايقة

من هفوة أو كلمة هايقة نتحرق ونقوم
نسب وندب، ويدور العـراك بالشـوم
وكل محموق وله فرقة تقوم بهجوم

من قبل ما تعرف الظالم من المظلوم
تبقى الشرارة حريقه والسحابة حـسوم
لا شركة تنجح، ولا عيله صفاها يدوم

ومنين نشوف العدل ولا السفينة تعوم
مانمنا فوق قلبها قاعدين لبعض خصوم
تضحك علينا الحدادى فى السما واليوم

حرامى الرغيف

تسرق رغيف يا حرامى وتتحبس شهرين؟
لو كنت قضاوى المدينة لأحبسك سنتين
لأن ذنبك يا مجرم يُعتبر ذنبين

المهنة رخصتها لما سرقت رغيف
وسرقت من قبل ما تصيح وجيه وشريف
لا انت حرامى تشرفنا ولا انت وجيه
ويا ويله، ما أتعسسه الواقف ما بين بينين!

تهجم على السرقة ليه يا أجهل الجاهل
رئيس قلم حذرتك؟ ولا مدير أعمال!
السرقة يا ابن الحلال صنعه وعايظه رجال

لهم فى فض المشااكل والأمور تصريف
ومن وراهم ضهور جامنده وجنس لطيف

يهـونوا اللى جـرى ويلطفوا تلطف
وفين تروح بالرغـيف جنب الأكـابر فين!

اصبر على نعمتك يمكن حتبقى وجيه
وجيه بمكتب وساعى بالجـرس تناديه
وسكرتير زى حالى لما تشنـخط فسيه
تـزلزل الأرض والعالم يقول يا لطيف
والبنكنوت يتحشى لك حشـوفى مظاريف
تلقاها بالصدفة في جيبك بدون تكليف
وتقول عجيبه يارب الظرف جانى منين ! !

دوسيهات الدواوين

فى دى الدوسيهات أشفالك وأشغالى
يقالها خمسين سنة فى وضعها الحال
فيها معاش أرملة قالت يابو عيالى
وعرض حال شاب بائس م العمل خالى
ومشكلة وقف فاتها خورشيد والوالى
حاططها صاحبك وييقولك ونا مالى
دا حسنى بيه المدير العام باعتها لى
ولسه عايزالها إمضة مستشار عالى
ولا حـاـتـنـزـل على الأرضـيف طوالى
ادى النظام اللى خارب كل بيت مالى
ومركب الفقر أمثالك وأمثالى

المجارى

حارتنا زينة المجارى	فى وسطها نهر جارى
بفضل مجلس بلدنا	وفضل فيض المجارى
وجدنا حوض للسباحة	علم ولادنا الصراحة
وعند عرض المساحة	علم كبارنا الكبارى
ويلاعات كنا عنها	غافلين مانعرف مكانها
فى كل بلاعة منها	يفرق عامود السوارى
فيها ابن آدم يغطس	ويقب يشهق ويعطس
قبل ابن آدم ما يغطس	فيه الطلمبة البخارى
أما اللى طامس عنيها	دبان يسود مدينة
وقالوا جايبين ما كينة	تصليحها فى الورشة جارى
والهمة تصبح عظيمة	على خرابة قديمة
كوم المجارة جريمة	يجى لها مأمور إدارى
مجلس بلدنا ياقاسى	بزيادة خطف الكراسى
وردها وانت راسى	خلالها مشروع تجارى

قلم الإيرادات

القسط يام اليتامى سجله المقدار
على الغنى والفقير والدار وأهل الدار
قسم الإيرادات حط ختمه والمقدر صار
ومعاون الحجز واقف يكتب الإنذار

الحجز التنفيذي

جاء عزرائيل المحصل من وراء ملكين
(فرقس) و (خرقش) ومنهم تهريبى على فين
فى الكانتو بيعى هلاهيلك، ووفى الدين
القرش قرشين وحطى مية الاتنين

فِي الطَّرِيقِ

أربع عساكر جبابرة يفتحوا برلين
ساحبين بتاعة حلاوه جايه من شرين

شايه على كتفها عيل عنيه وارمين
والصاج على مخها يرقص شمال ويمين

إيه الحكاية يا بيه؟ جال... خالفت الجوانين؟
إشمعنى مليون حرامى فى البلد سارحين

يمزعوا فى الجيوب ويفتحوا الدكاكين؟
أسأل وزير الشئون والا أكلم مين !

الواسطة لسه شغالة

الواسطة لسه شغالة يارجلاله
والحاله هياها الحاله فى كل مكان

لَقْنَدَى قَالَ وَالْأَسْطَى هِيَه الْوَاسْطَة
فِي كُلِّ مَرْكَزٍ وَمَحْطَة خَاتَم سَلِيمَان

تَشْغَلُكَ وَانْتَ فَرَاش كَاتِبْ بِمَعَاش
وَتَدْخُلُكَ لِلْسَيْنَمَا بَلَاش وَيَا الْإِخْوَان

إِيه اللى خلى الملعونة تصبـح فينا
شريعة فوق شرع نبينا شرع القرآن

طماع وعايـز فوق حقه واسطة تزقـه
لرئيس عمل فاتح بـقه زى التَّعَبِيان

وهودا الشـصايـع
عاطل كـسلان

والحق بين لتـنـين ضايـع
مدير يـلـطـيـح على صايـع

وحـوسـته كـبـيرـه
وخليل شـعـبان

ومدير شريف حيرته حيره
في مطلب الست منيرة

والبلـديـه
وعلى الجـيران

يعفى ابنهم م الجهاديه
يجيب مخالفتها عليه

أو مـتـوطـن
زى السـرطان !!

داء في الكنانة متمكن
وجرح ضارب ومعفن

المجلس البلدى

قد أوقع القلب فى الأشجان والكد

هوى حبيب يسمى المجلس البلدى

ما شرد النوم عن جفنى القريح سوى

طيف الخيال خيال المجلس البلدى

إذا الرغيف أتى فالنصف أكله

والنصف أتركه للمجلس البلدى

وإن جلست فجيبى لست أتركه

خوف اللصوص وخوف المجلس البلدى

وما كسوت عيالى فى الشتاء ولا

فى الصيف إلا كسوت المجلس البلدى

كان أمى بلُ الله تريتها

أوصت فقالت أخوك المجلس البلدى

أخشى الزواج فإن يوم الزواج أتى

يبقى عروسى صديقى المجلس البلدى

وربما وهب الرحمن لى ولدا

فى بطنها يدعيه المجلس البلدى

يا بائع الفجل بالمليم واحدة

كم للعيال وكم للمجلس البلدى ؟؟

الاختلاسات

يا واد يافندى الديوان معفن
حايظبطوك عن قريب مكفن
من كتر مابتحشى فيه وتدفن
بسرقتك والحنوط عليه

توسطت عمّتك حنيفه
لحد ما البيه عطاك وظيفه
وخلتك أم إبراهيم ظريفه
يادوب عشان تقبض المهيه

جيت انت يا دولة الموظف
بديت لنا تختلس وتخطف
بدل ماتهتم أو تتنصف
من مال جناب أمك الماليه

إلهف وشيل فى الفلوس يا شاطر
دا كل راجل شجاع، مخاطر
وشغل اللحس فى الدفاتر
والجين للطفل والوليه

اسرق يا مجدع وخد عنيّنا
مادام دا عاجب أمك أمينه
يا مضحك الإنجليز عليّنا
اعمل خلاصك يا نور عنيه

أشوف عددهم أقول يا حامى	فى مصر أربع تلاف محامى
وكل واحد عليه قضيه	أتارى فيه مليونين حرامى
فى ذمتى أنك عملت طيب	يا واد يافندى بالعقاب قريب
سعيد يزحك من التكيه	لأبد من يوم يجيك يشيب
اسرق وخليك تروح فى داهيه	إن كنت تسرق دى حسبة واهيه
من خلقه المجرم الرديه	تصبح بيوت الحكومه زاهيه
يقوم يراجع فى كل دفتر	إن كان يحب الوزير يوفر
يستاهل الرفت والأذيه	يلاقى نص العدد واكثر
نرتاح من الصرف والبلاوى	لو نزيط الخبص والرشاوى
يبقى اللى يحكم تجيه رزيه	ولما قال يرفعوا الدعاوى
بتنصرف له الفلوس بحرقه	داجيش يا عالم بألف فرقہ
اللہ يخيب دى فنطزيه	للہ فى لله كمان وسرقه

الغش والغلا

الاكل والشرب فى إيد اللومنجيه
والطماعين اللى غلوا الملح والميه
والغشاشين اللى فاقو ع الحراميه
الشأى بالفتشر مخلوط ملوخيه
والبن فيه الشعير تسعين فى الميه
والعيش برملُه وطيئُه يا متأخليه
والحم معروض بدون أختام رسميه
والميه هيه اللبن ولا اللبن هيه
أفاعى متسيبه من غير رفاعيه
ودنيا مترتبه ترتيب فسلاتيه

الْمَنَجُّمُ

ما عمري يوم للمِنْجَمِ رحت استَقْتِيهِ
اللى مضى أعرفه واللى حضر، أنا فيه
ومن كـرم رينا مستقبلى خافيه

لو كنا نعرف نهاية أمرنا ياقوم
كام يوم نشوف السعادة والشقا كام يوم
لا يطيب لنا عيش ولا تهنا العيون بالنوم
الشر والخير، بلا منجَم، ح نستوفيه

ومين ياعم المنجَم مفتري نصاب
الناس راهم حيارى فاشتغل كذاب
والكذب أبواب ونعـرف كُنا الأبواب

إن قال لى عندك قضتية، كلنا مشاكلين
ون قال تسافر قريبا، كلنا مسافرين

من دنيا رايعين لآخره، والمخلد من
لُعِن المنجّم - ولو يصدق - في كل كتاب

ومين يروح للمنجم؟ الهمج لا غير
الست دولت ، وغانم والدسوقي بدير
وعبده افندی وزينهم واسماعيل وخضير

يا ابن البلد

يا مصري اللى جمالك جالب السواح من بره
جاين يقضوا لىالى كلها أفراح ومسرّه
جاين يشوفوا جهودك إيه فى الإصلاح يا حره
ويشوفوا آثار تاريخك واللى عدّى وراح بالمره

يلاقوا لبشة قصب فى شارع الأهرام مصوصه
وبذرة المنجاة ، ويا بذرة الشمام مفعوصه
وتين بشوكه ، قشوره فى الطريق العام مرصوصه
بلاوى أنواع لكسر الوسط والأقدام مخصصه!

يلاقوا البسكيت رابط ثلاث خرفان جزارها
يتلوى بيها ، ويحجل فى ميدان سليمان فى نهارها
يكركه فى البتلو والبقر والضئان منظرها
وكل ما يلمسه من بدلة إوفستان يزفرها

واثنين من البوهيجية	مشبوكين فى هزار ومهارشه
واحد ورا التانى شمر	جَلْبَيْتَه وطار بالفُرْشه
تيجى فى عابر سبيل	ويبيته المقدار على فرشه
ولا باكار ينكسر وتبات	كده يا باكار فى الورشة !

وانت يا قهوجى يا صَبَّوَه	يا مخدوم فى القهوه
تدلق ماجور قهوتك	فى الشارع المزحوم على سهوه
تلغمط الناس جميعا	من وجوه وهذوم بالتَّنَوَه ^(١)
واللى يعارضك تقابله	بالشُّضْل والشوم والقوه

وع الرصيف النضيف	الضهر ناس قاعدين بيتغدوا
وجنب قشر البصل	والسُرْت ^(٢) والسريدين يتمدوا
لا بالنصيحة ولا بالزجر	والقوانين يتصدوا
وتنادى ساعتين عليهم	إصحوا يا نايمين ما يردوا!

يا ابن البلد دى البلد	مكتوب عليها اسمك
-----------------------	------------------

(١) التَّنَوَه : بقايا البن فى إناء القهوه.
(٢) السُرْت : هو الشمام الصغير الأخضر.

وزى ما تكون شوارعها يكون رسمك
حافظ عليها كما تحافظ على جسمك
لا تشمت الناس ولا تفرح عليك خصمك

درس خصوصى

جـحـلـوف دـخـل مـن شـنـدوـيـل بـخـلـقـتـه المـكـلـبـظـة
فـى بـيـت وـلـد، أـبـوه مـرـيـض وـالـأم طـايـبـه مـلـظـالـظـه
وـيـنـت تـانـيـة فـى البـجـامـه قـايـمـه قـاعـدة مـقـلـوظـه
ولـما يـدـخـل لـه الـغـدا يـأخـذ لـه مـنـه مـوعـظـه
بُفـتـيـك بـانـيـه يـاهـلـتـرا مـخـصـوص عـشـانـه تـطـيـخـه ؟

يـحـضـر صـاحـبـنا فـى الصـبـاح، وغيـره يـحـضـر فـى المـسا
رأخـر مـعـقـد مـسـأـلة فـى الجـيـر وـلا الـهـفـسـه
يا بـاعـت ابـنـك مـدرـسـه جـعـلـت بـيـتـك مـدرـسـه
اسـتـاذـها يـقـبـض أجـرتـه واكل مـجـانـى وـنـسا
ويعـد دـه كـلـه الـوك يـأخـذ شـهـادـه تـدوـخـه !!

زواج أوربا

يتعرفوا الجوز في القهوة	ودعوة على غدوه وعشوه
وتأني يوم هيه وهوه	يتوجهوا ع البلديه
واكتب كتابنا يا مسجل	بدون مقدم وماجل
وفى المساء عندها ينقل	أو تنتقل عنده هيه
غرف بلادهم مفروشه	ورخيصة على قد العيشه
ينيلك يام غويشه	ويبتليكي برزيه
تحطى مهر ابنك عشره	وغايزه فرش لكام حجره
صالون ونوم وأودة سفره	يا مولودين على طبليله
وان كان عويشه المخطويه	يخلي جوزها كركويه
وتواعدى من طويه لطويه	وكل يوم عايظه هديه

لو كنت أقول كل جوازه فيها نكد يكفى جنازه
لكنك انظم إليـازـه^(١) مصرية بدل اليونانية

(١) الإلياذة : ملحمة شعرية للشاعر اليوناني القديم هوميروس.

الفلاح

الأوله أه والتانيه أه والتالته أه
الأوله عيرونى ، أن نا فلاح
والتانيه أزرع وأقلع للى نام وارتاح
والتالته أه اللى أحبه شط منى وراح

الأوله عيرونى إن نا فلاح - بدفيه^(١)
والتانيه أزرع وأقلع للى نام وارتاح - فى دهبية
والتالته أه اللى أحبه شط منى وراح - فى صبحية

الأوله عيرونى إن نا فلاح بدفيه - وعيشى حاف
والتانيه أزرع وأقلع للى نام وارتاح فى دهبية - بميت مقداف
والتالته أه اللى أحبه شط منى وراح فى صبحية - ما قال لى عراف

الأوله مش بإيدى دا قضا محتوم

(١) الدفية: عبادة من صوف خشن يلبسها الفلاحون.

والثانيه ومسيرها ناس تفرق وناس حاتعوم

والثالثه ميت هم يرحل الف هم يدوم

الأوله أه

والثانيه أه

والثالثه أه

الفن

الفن ياهل الطبيعة روح تخاطب روح
بأغماها

والفن ياهل الحسبة عين تكلم عين
ببناه

والفن ياهل القلوب صـوت من سكوت الموت
أحيائها

يا طالب الفن ، افـتـح لك كـتـب فى الفن
تقراها

يامطول الشعر ، ومـشـلـشـل بدلدولتين
ومبلم

شوف النجوم فى السما متوهجة على فين
واتعلم

وشوف بكاء العين وضحك الفم فى الاتنين
واتكلم

ورد الحدود فن فيه الفن يتغير
طول الحدود فن فيه العين تتغير
وكل شئ فى الحياة بالفن متغير
يا طالب الفن

عبادة الفن

يا ابو العيون^(١). ياللى أنا وانت خلاص فُلست
والناس قالوا لى وقالوا لك يا عجوز هلوست
راح الزمان اللى بيقلولوا المواعظ فيه
على المنابر ، وقامت توعظ الارتيسست !!

ارتيسست تكشف على المسسرح بدن بنور
وتقول آيات فى الهدى والعرفقة والنور
ينجح كلامها وترفع للسما الجمهور
تعال نهرب ، ونستخفى فى قعر الدُست

شهر الصيام والتقويم، أحيوه بمزيك
والفشنى^(٢). فى الفجر بيأذن لنا سيكه
زى اللى حاصل فى أوروبا وأمريكا

(١) فضيلة الأستاذ الشيخ محمود أبو العيون من علماء الأزهر.

(٢) الشيخ طه الفشنى كان من مشهورى مرتلى القرآن الكريم.

فى كل معبّد تشوف جنب القُسُس بيانيست

حيّ الخسّس النهر—أرّده، حيّ لاتيني
وفيه تصلى كاميليا، وزوزو، وكويني
الله أكبر على المادّنة تناديّني
وفى شيش بيش معاهم للصباح طلّمت

الفنّ - قالوا - رواية، تكشف الظلمات
والوحى بشرف وغنّة، تفتح السموات
كدا قالوا لنا الأئمة الأربعة البهوات
سالم ويوسف وأنور^(١)، والوَادّ الرياليست

(١) أحمد سالم ويوسف وهبى وأنور وجدى.

يا هل المغنى دماغنا وجعنا

يا هل المغنى دماغنا وجعنا دقيقه سكوت لله
دا حنا شبعنا كلام ماله معنى يا ليل ويا عين ويا أه

طلعت موضه غصون ويلابل شابط فيها حزين
شاكى وباكى وقال مش عارف يشكى ويبكى لمن
واللى جابت له الداء والكافيه، طرشه ماهش سامعاه
يا هل المغنى دماغنا وجعنا دقيقه سكوت لله

ردى عليه يا طيور ببينادى، وارمى له الجناحين
وانت كمان يا بابور الوادى، قل له رايح على فين
قل له اياك يرتاح يا بابوره، ويريحنا معاه
يا هل المغنى دماغنا وجعنا دقيقه سكوت لله

كل جدع فرجان بشبابه يقول فى عنيه دموع

يا للى جلبتني شققاه وعذابيه، حطى لنا الموضوع
طالع نازل يلقي عوازل واقفقه بتسستناه
ياهل المغنى دماغنا وجعنا دقيقه سكوت لله

حافضين عشره اتناشر كلمه، نقل من الجورنال
شوق وحنين وأمل وأمانى وحد وتيه ودلال
واللى اتعاد يتزاد ياخوانا وليل ونهار هُوَاه
ياهل المغنى دماغنا وجعنا دقيقه سكوت لله

الفن فى الشرق

الفنُ فى الشرق منه قلبنا ممفــــــــــــــــوص
من كثر ما ييــــــــــــــــجب الأوخام والأوجاع
اصبغ هلاميل لابسها مدعى، بليــــــــــــــــوص
على المســــــــــــــــارح، وع الشاشه، وفى المذياع

من كل تيجان ملوك الفن فيها فصوص
اللى سرقها اشتهر، واللى بدعها ضاع
على المسارح تروح تسفح كلام مريض
عن الحكم والمواعظ... سقــــــــــــــــفوا يا رعاع

والفلاييل توليف معلّم من حنت مقصــــــــــــــــوص
والربيع رقــــــــــــــــصات، وتنكيت التلات أرباع!!

أما النكت ماركة ... اشمعنى ! وفن البوص

تَقُولُ لَهَا الْعَرَبُجِيَّةُ وَالْجَمْعَايِدَةُ هَاع
وَفِي الْإِذَاعَةِ الَّتِي يَطْرِينَا، جَدْعُ مَفْعُوصِ
مَاعَرْفَشٍ لَوْ كَانَ يَبْطِرِبُ وَلَا يَبْقُولُ مَاع!!
مَنَاصِرَةُ الْفَنِّ مَيْنُ مِنْهُمْ مَا هُوشُ مَقْرُوصِ
فِي الْعَرْضِ، وَالْمَالِ، وَالْإِخْلَاقِ، وَالْأَوْضَاعِ
لَهُمْ فِي جَنْبِ الْمَشَاكِلِ تَكْتِيكَاتٌ مَخْصُوصِ
عَيْبٍ يَنْذَكِرُ فِي الْجَرَايِدِ، وَالْوَرَقِ مَا يَسَاعِ
وَمُبْدَعِ الْفَنِّ فِي وَسْطِ الْمَنَاصِرِ يَلُوصِ
وَيَسْكُنُوهُ بِالْحَيَا، تَرِيهِ فِي سَابِعِ قَاعِ
لَوْ كُنْتَ يَافَنُّ مَجْعُولُ لَكَ قَانُونُ وَنَصُوصِ
لَكُنْتَ زَيَّْ الْكَوَاكِبِ فِي السَّمَاءِ لَأَغُ

الراديو

مِنْ كَانِ يَظُنُّ الْكَمَنَجَةَ وَالْقَانُونَ وَالْعَوْدَ
يَسْهَرُوا الشَّرْقَ كُلَّهُ فِي لِيَالِي سَبْعٍ
كَانَتْ آلَاتُ اللَّطْرِ بِغَنَى عَلِيٍّ هَاهُنَا دَاوُدُ
بَقَتْ آلَاتُ يَنْضَرِبُ بِهَا قَفَا الْمُعْزُودِ!

لَوْ كَانِ عَلَى رَادِيو يَمْكِنُ كُنَّا بَرَشًا مِمَّنْ
بِالشَّمْعِ الْأَحْمَرِ وَعِشْنَا فِي أَمَانٍ اللَّهُ
لَكِنْ دَا عِنْدَ الْحَانُوتِ وَالْجَارِاجِ تَلْقَاهُ
وَفِي كُلِّ مَسْمُوطٍ وَمَقْلَى وَمَدْبَغَةٍ مَوْجُودِ

ابْنُ الْجِيرَانِ يَحْتَضِرُ مَا بَيْنَ حَيَاهُ وَمَمَاتِ
وَيَحْتَضِرُ قَهْوَجِي فَاتِحَ عَشْرِ لَبِيَّاتِ
تَذِيْعٍ فِي زَفَةِ عُرُوسَةٍ وَالزَّفَافِ بِصَاحَاتِ
كَأَنَّهُمَا لَطَمَ نَدَابَةً عَلَى الْمَفَقُودِ!

مُسْ كُلُّ سَاعَةِ الْغُنَا يَسْتَظَرُّهُ الْإِنْسَانُ
دَا لَمَّا يَبْقَى الْبُعِيدُ تَعْبَانُ أَوْ حَزْنَانُ
عَبْدُ الْحَمَامِ وَلَى إِذَا غَنَى يَكُونُ سَرَطَانُ
وَيَبْقَى زَى الْغُرَابِ الشَّيْخَ عَلَى مَحْمُودِ

مَا تَتَهَمُوشُ فِي الْحَشِيشِ لَا تَكْتَرِ الْمَجَانِينَ
وَلَا تَعْتَبُوا عَالِ تِلَامِذِهِ الَّلَّى بَقُوا سَاقُطِينَ
وَلَا عَلَى الشُّقَالِينَ إِنْ أَصَابَ حَوَا نَائِمِينَ
مِنْ صَبْحِهِمْ فِي عَوَاصِفِ الْمَسَا وَرَعُودِ!

أَنَا كُنْتُ وَقْتُ الْفَارَاتِ: أَفْرَحُ وَبَاتُ مَمْنُونِ
مِنْ سَاعَةِ أَوْ نُصْ سَاعَةِ يَنْقَضِي فِي سَكُونِ
بِلَوْقَتِ حَوْشِ الْقِرَافَةِ هُوَ دَا الْمَضْمُونِ
لِللَّيِّ الْقَلَمِ صَنَعَتْهُ وَالْطَّالِبِ الْمُنْكَودِ

مَا يَرْحَمُ الْمُبْتَلَى غَيْرَ رَبِّنَا الرَّحْمَنِ

اللى الامـور فى ايديهم هريانين فى امان
على شطوط الزمـالك ولا من الجـردان^(١)
او ينفخ الطفل زمارته: يروح فى قيـود

لو كان من يرفع الراديو غرامته ريال
ما كنا نحتاج لشروع اسمه ايه مرشال
نضمّن عمار البلد م الدنيا للشلال
وتقوم مصانع وبنى خزانات وسدود!

(١) يقصد جاردين سيتى.

فوضى الميكروفونات

الْجُمُعَةِ دَى فِى حَارِثْنَا أَرْبَعَةَ حِجَاجُ
وَالْمِيكْرُوفِ وَنَاتُ طُغْتِ، أَمْ—وَجَ عَلَى أَمْوَاجُ
وَالشَّيْخُ مِجَاهِدُ مَفْطَى الشَّيْخِ عَلَى فَرَّاجُ
وَالشَّيْخُ حَسُونَةُ، بَوَظُ عَبْدُ رَبِّهِ سِرَّاجُ
وَالْكُلُّ ضَمَائِعِينَ فِى زَيْطَةِ كَلِّهَا إِزْعَاجُ
مَا تَفْهَمُ «النُّور» مِنْ «الإِسْرَاءِ» مِنَ الْمَعْسَرِاجِ (١)
الْفَوْضَى فِى كُلِّ حَاجَةٍ عِنْدْنَا مِنْهَا—حَاجُ
حَتَّى السِّيَاسَةِ بَقَتْ أَفْوَاجُ تَشْوُطُ أَفْوَاجُ
هِيَاجُ فِى وَقْتُ السَّكُوتِ وَسَكِينِهِ وَقْتُ هِيَاجُ
وَقَالَ بَنَتْ—عَلَّمَ الإِخْرَاجُ وَالْإِنْتِجَاجُ
أَنْطَقْ يَا تَوْفِيْقُ (٢) يَا خُويَا يَا لَى بُرْجِكَ عَاجُ
يَا رَيْتَ لَنَا بُرْجُ زَيْكُ مِنْ صَفْفِيْعٍ أَوْ صَاجِ!!

(١) سورة النور وسورة الإسراء وقصة المعراج التي تتصاعد في ميكروفونات مختلفة.

(٢) الأستاذ توفيق الحكيم.

الراديو وجيل الزمان ده

جيل دى الزمان العجيب، منصاب فى أعصابه
من كل بياع نصّب راديو على بابته
بميكروفون رينا العالى ما يرضى به
يطلع زعيمه إلى الملكوت وسحابة
ولكل منزل قريب موعود بخرابه
لا الطفل فى دفتره يفهم، ولا كتابه
ولا المريض ينقطع شكواه وعذابه
ولا الصلّى يروق باله لمحاربه
من دوشة الطرب الفرحان بشبابه
وينتقم رينا م الراديو ومنحبابه!

أهل الفنون كلها يلزمها تتربى

بعد الجلاء ترتدع وتلمها حبة
أهل الفنون كلها يلزمها تتربى
بلاش بقى ياسمك إيه تفرج لنا الضبة
غطى لحمك ويطنك... إنتى يا شـبابـة

يا مخرجين ياللى اصبح فيلمكم كباره
وشاب وارث وشلة ملمومين حواليه
وبيه بيلعب قمار والست جنب البيه
ان الاوان كل ده يسا خلق يتخبى

ويا للى يتألفوا افلام على افلام
فى الجمع كاه فيلم يا مؤلف تبعها بكاه
بقت صناعة الادب يا مؤلفين إجرام
امـريـكا شبعـت علينا ضحك واوريا

وليه يا عاشقٍ بِتُـبْكِي لِمَا بِتُغْنِي
وتقولُ يا وعدى وأنا من بدرى مُسْتَنِي
يا لى ملكتى فؤادى امسى ح تُحْنِي
إلهى يا اهل المحبة تبتلوا بضريره!!

لوازم الست

أشياء كماليات أهم شيء اليوم
بقت ضروباً وفي زمن مشنوم

وف كل شهر جوزين شراب بتسعين صاغ
يقعد يادوب شهرين وإيشارب حقه جنينه

ودوج على درجات وإكلادور الـوان
زى الخمس صلوات! فى اليوم خمس مرات

يلزم لنا بنوار وف كل فيلم جديد
تبارك اللاكتار وتاكسى والافلام

منها أنا مدفوع والميلاد حفلات
نص الإيراد مدفوع فى بيتى أو مغزوم

لِلسَّيِّدِ مُشِّىءٍ لِلْمَسِيءِ	وَاجْرَةٌ لِلْحَلَالِ
جَنِيَّةٌ وَشَيْءٌ فِي الْإِيدِ	يَقْبَضُهَا فِي الْأَسْبُوعِ
وَابْنِي كَسَرَ قَدَّ أَيْهِ	وَاحْسِبِ لِعَبِّ أَطْفَالِ
وَيَسْكُنُ بِجَنِيَّةِ	يَكْسِرُ وَابُورَ بَرِيَالِ
أَوْ رَادِيوْ أَوْ تَلِيْفُونِ	وَيَبِيتُ بَدُونِ «بَوْتَا جَا ز»
فِي عَظْفَةِ الْبَجَامُونِ	تَقُولُ عَلَيْهِ مَسْرُوقِ
لِلْعَيْشِ يَا دُوبِ وَالْفُولِ	وَمَحَبَّتِي يَا نَاسِ
وَتَحَمُّلُهُ مَا تُطُولُ!	وَالْفُولِ طَلَعَ عَلَى فُسُوقِ

أطفال الشوارع

حاي فوت اغسطس وسبتمبر، وجائ خريف
يُقصِفُ فروع الشجر، لما يهب عنيف
والكون يُلْفِه الظلام، والريح صفيرها مخيف
وانتم يا أطفال حيارى من رصيف لرصيف

والشمس تطلع عليكم بالدُفء والنور
وتدوروا متفرقين زى القضا ما يدور
أو تمسوا متربطين آخر النهار فى طابور
تجره كبشة عساكر بالحبال الليف

فى كل روضه الطفولة خدّها ينباس
وانتم خدودكم على سقف التراب تنداس
فأيتساكم الناس فملّ - وانتم ولاد الناس
تترّبوا من غير معلّم، أو بدون مصاريف!

ومين يا أطفـال يتكفل لكم بطعام
استغفرُ الله نسيت ... الدنيا فيها كرام
فى كل عيد أو مناسبة يطعموا الأيتام
من مطعم الشعب ينفخ كل طفل رغبـيف

من قبل ماتزخرفوا وتزينوا الميادين
صونوا الطفولة اللى صانوها اللى مالهم دين
والطفل على الأرض يطفى لمعة النـيـاشين
ويُقـعه تـمـسـح جـمـالك يامُ باندانتـيف!

باريس تقول قصروا الفساتين

باريس تقول قصروا الفساتين نقصرها
ترجع تقول طولوا، حالا نجرجرها
وفى الششتا - قوروا القمصان نقورها
وفى الصبيف زروا الأزواب نزررها

وتقول باريس احلقوا الشنبات، نلقها
وتقول لنا الدقن موده اليوم، نلرقها
وتقول لنا استعملوا الشورتات، نسبقها
وتقول كمان اقلعوا الطرابيش، نكغورها

وتقول «فيينا» ارقصوا.. نحى ليالينا
وتقول «موناكو» العيبوا.. نفتح نوايينا
وتقول «جلاسجو» اشربوا.. نسكر لها طينه!
والخمرة قال مش حرام.. والجوزة نكسرهما

عَمِيَّانَ وَعَايِزِينَ لَنَا مَجَانِينَ تَسْحِبِنَا
وَكُوَيْخُوضُوا بِنَا الْأَوْحَالَ يَعْجِبِنَا
مَيْنَ شَافُ خَالَفْنَا أُمَّمَ بَتَحِبَّ جَزَارَهَا

يَا رَبِّ تَسْلَمُ بَارِيسُ وَتَصَلُّومُ وَتَصَلَّى
وَتَكُونُ مَسْـوَدَتَهَا سَبِيحٌ.. وَلَا طَرْحَ تَلَّى
عَشَانُ مَا تَصْبُحُ «سَعَادُ» «وَأَمَّ الْهَنَا» وَ«نِيلَى»
غَيْرُ رَيْنَا ذُو الْجَلَالِ مَا يُشْـوْشُ ضَوْفَرَهَا

العامل المصرى

ليه امشى حافى، ونا منبت مراكيبكم
ليه فرشى عريان، ونا منجد مراتبكم
ليه بيتى خريان ونا نجار دوايسبكم
هى كده قسـمـتى؟
الله يحاسبكم!

ساكنين علالى العتب، وناللى بانيتها
فارشين مفارش قصب، ناسج حواشيتها
قانيين سواقى دهب، ونا اللى أدور فيها
يارب ماهوش حسد
لكن بعـاتـبكم

من الصباح للمساء، والطرقه فيدى
صابر على دى الأسا! حتى نهار عيـدى

ابن السبيل انكسى، واسحب هرايبى
تتعروا من مشيتى
واخرجل اخطبكم

ليه تهدمونى ونالى عزكم بانى
انا الى فوق جسمكم قطنى وكتانى
عيلتى فى يوم دفنتى ما لقيتش اكفانى
حتى الاسيه. ونا راحل وساييكم

يا أهل السودان يا عرب

يا أهل السودان! يا عرب! يا مسلمين الله!
بيننا وبينكم نسب كل الأمم عرفناه
لا انتم نسيتموه ولا نحن للابد ننساه
والنهر بيننا وبينكم ريئنا اجراه
واللّٰهى شرب دمكم من دمنا رويناه
واللّٰهى ركب ظهركم فوق ظهرنا هواه
واللّٰهى وعدكم وعدنا بالنعيم والجاه
وادي احنا وانتم عرايا محتاجين لغطاه
لو كننا ننسى قرابتنا ونجري وراه
ح ينفرط شملنا ونقول يائدهاه!

الإنسان^(١)

سـلام على الحـشـرات والوحـش والبـقـر
ولا سـلام يـتلى على الإنـسـان
فى أسـفل السـافلـين هـويت يا بن آدم
وطـأعت عـلـيين يا حـيـوان!
مـفـيش حـمار يـقـطـع فى جـرة زـمـيلـه
ولا تـيـران تـفـنن على تـيـران
ولا ضـبع يـتـحـايل بـشـركـات مـسـاهـمـة
ولا غـزال يـنـصب على الغـزالـان.
ولا غـراب يـبـوـث يـأجـر مـرأـة
ولا بـومـة عـاهـرة لـحـمـها عـريـان
ولا كـمـان خـنـزير عـامل مـرابـى
يـرـبـط بـقـر شـه رقبـة الغـلابـان
والـديـب إذا اتـعـشـى يـبـيـت فى جـحـر
والسـبـع لو يشـبـع يـقـول شـبـعـان

(١) على الرماية .

قول للمعيز يا معين، بقيتم ملايكة
 تاكلوا زبالة، وتحلبوا البان!
 غيير ابن آدم مين بينهب ما يشبع
 ويجحد المعروف والإحسان
 من كل واد جنرال معلق مـدالـية
 وكل نطع جائف تاجر سـيـاسـة
 يكسب بلا سـلـة ولا دكان
 النصابين كده ليه كـتـير في الزمان ده
 وليه بتكرمهم كـدـه يا زمان؟
 والطيبين قـاعـدين،... زى عـدـمهم
 فى مـعـهد الأزهر وفى الفـاتـيـكان
 فى الشرق فرقة تقوم تهز العمائم
 وفى أوربا يرفـعـوا صـلـبان
 سـبـحـانك اللهم، سخطك علينا
 ظاهر فى إجـرامنا وفى الطـفـيان
 سلّمنا الأكـوان حنّه لها ثم سر
 راح السّمـر واتولّعت نـيـران!!

يا سلام على عيدنا^(١)

فى ربوع الوادى البسم الفرحة هزت أعلام
والنيل اترتسم أنغام يا سلام على عيدنا يا سلام
يا سلام على عيدنا يا سلام
بجهدنا ويعون الله مقصودنا كلُّه ثلناه
وعلمنا لما رفعناه ورينا الدنيا الأهرام
يا سلام على عيدنا يا سلام
هممتنا من فيض النيل وارثينا من جيل عن جيل
فى الشدة لنا صبر جميل وغرامنا بالحرب غرام
يا سلام على عيدنا يا سلام
عيدنا واشهد يا زمان فى الدنيا ويكلّ لسان
لاح يعلى على مصر مكان ولا يصعب على مصر مرام
يا سلام على عيدنا يا سلام

(١) من الواضح أن هذه القطعة كتبت فى تحية عيد النصر (٢٢ ديسمبر).

صدفه

إزاي زمــــــــــــــــان النور والحرــــــــــــــــر
صــــــــــــــــايف زمــــــــــــــــان القنبله الذرــــــــــــــــه
يا هلــــــــــــــــترا صــــــــــــــــنْفه كده طــــــــــــــــبيــــــــــــــــعــــــــــــــــيه
ولأ الصــــــــــــــــنْف تخــــــــــــــــفى حــــــــــــــــكم إلهــــــــــــــــيه

شــــــــــــــــوف لَمَّا كُنَّا فــــــــــــــــى زمــــــــــــــــان الحشــــــــــــــــمه
كــــــــــــــــان رِبُّنا ناظِرٌ لِّنا بالرحــــــــــــــــمه
ولما اصــــــــــــــــبَحْنا مُجَرَّدٌ لــــــــــــــــمــــــــــــــــمــــــــــــــــمــــــــــــــــم
الأحــــــــــــــــمــــــــــــــــم يــــــــــــــــلزمــــــــــــــــها تــــــــــــــــبــــــــــــــــات مَشُويــــــــــــــــه

سَكَنْتُ عَلَى الْمَنْكَرِ قُسُسُ وَمــــــــــــــــشــــــــــــــــايــــــــــــــــخ
واللى بــــــــــــــــيــــــــــــــــوَعْظُ زَيْ حــــــــــــــــســــــــــــــــالى رايــــــــــــــــح
واحــــــــــــــــدة قــــــــــــــــالت لى والنبي اناك بايــــــــــــــــخ
والتــــــــــــــــسانــــــــــــــــيه قــــــــــــــــالت يــــــــــــــــبــــــــــــــــتــــــــــــــــليك بَرْزِيــــــــــــــــه

صوت السلام

صوت السلام هو الذى ساد والى حكم
على الدخيل الذى اندحر والى انهزم
عدونا لما اعتدى. قدمنا أرواحنا فدا
واستعجبت من بأسنا كل الأمم

* * *

تلات أمم يا بور سعيد متقدمة
بدبابات وطيارات تملأ السما
الأولة: داخلة البلاد مستعمرة
والثانية: بعد الإنكسار متجبرة
والثالثة: على العرب متأجرة
هدموا البيوت قتلوا النفوس وإنما
إحنا هدمنا عزمهم
فى الشرق كله ومجدهم
تلات دول جايبة العتاد لكنهم

إقطعوا إيد الحرامى

اقطعوا إيد الحرامى، ون سرق واحد طماطمه،
 الحرامى لما يسمع يشتغل، ويكون عصامى
 الحرامى تتركوه يسرق أو بصدفه تحبسوه ياكل
 من حبوبنا أو دمانا ويحامى له المحامى
 عندكم يامسلمين حاتقول الأفرنج دى
 اللى يسكن فى وائنا انجليزى أو أنامى
 فى الحجاز ابن السعود تترمى من غير حرس فيها
 حد عارضه بحجه دامغه؟

بس نوبه - واحبسونى! ولا طوبه اشنقسونى
 بالسطور، يفزع، ويرجع اقطعوا إيد الحرامى
 ويهرب - فى الحوارى ويشرب - سم هارى
 اللى فايشه من الخزانه! إقطعوا إيد الحرامى
 أحسن شريعة - طبقوها أحكام فظيعة - مايقولوها
 يرضى بالجارى علينا إقطعوا إيد الحرامى
 خلى الحفاير - والمداين الجواهر - والخزائن
 ولا قال له كلمه فارغه

من كلامهم أو كلامى	إقطعوا إيد الحرامى
ع البوليس والسجن كام	مليون بندق - احسبوهم
وفروهم للسماذ والرى	أنفع - وفــــروهم
وافتحوا بيهم مشاغل	للى عاطله واللى عاطل
يكفى ياناس التُّعامى	اقطعوا إيد الحرامى
فين يا أزهر فين رجالك	فين أسودك - واقتدارك
ياللى حكم الشرع من	أسباب وجودك واشتهارك
اكتفيتم بالوظايف	والمهايا والتحايف
والتشامخ والتسامى	إقطعوا إيد الحرامى

الزحام

شوف الجاموس لما يشرب من شطوط النيل
الواحدة جنب اختها واقفين فى صف جميل
شوف الغنم لما تطلع للمراعى رعيل
لا الكباش يطفى ولا ينطح بقرنه فصـيل
شوف الطيور لما بتزوح فى كل اصـيل
أسراب ومتنظمه راجعه الحمى بدليل
وانظر وشوف البنى آدم بتزوع دى الجـيل
كل الأمور عندهم بالزغد والتشـصيل
قالوا اللى مايكونش فى الأول دا يبقى عـويل
ومن كده بالقليل فى كل زحمه قتـيل
والله البهـايم ولا أولاد قـابيل وهابـيل

الخمرة

يا بنت الحان ياملعونه في كل كتاب

سابوكى ليه يامجنونه ياوش خراب

كاساتك لما تتشغل ما بين اثنين

واحد فيهم يقوم يقلع لصاحبه عين

وعشاقك لهم ريحه تغم الببال

ومشيتهم بتطويحه يمين وشمال

وسحناتهم اذا شربوا كلاب وقسود

واصواتهم اذا انطربوا نباح ورعود

يجيب لك روم في كبايه غلام الببال

لها طعم السبترتاية ولذع النار

وتهري الكبد والفضة
ففي أول كـسـاس
ولولا الفجل والكرشه
لكان تنـداس

وفيها يدفع المدمن
فلوسه حـرام
ونادر لو يموت مؤمن
على الإسـلام

الكارو

الكارو طول عـمـمـرـها جـالـبـه عـلـيـنا العـار
والكل ساخطين عليها من كبار وصغار
والكل عـاـيـزـيـنـهـا تـتـكـسـرُ فـي جـوـرة نار
لإمتى فاضله ياكـارو تجرى بالمشوار
ولإمتى نـرقـع عـلـيـكـي بـالـطـبـول وـالـطـار
واللوم على اللى ركب ولا على الحـمـمـار
صـبـحـت طـرود الخـضـار من قـرنـبـيـط وخبـار
يشيلها لورى تسوقه كـهـرـيا وخبـار
ومـيـن بـعـيـن الرضى ينظر لـدى الأقبـذار
الشـعـب ولأ الوزير ولا انت يا حـكـمـدار^(١)

(١) - الحكمـدار لقب تركى لرئيس شرطة المدينة.

القاهرة فى الصيف

يامصر فى الصيف نهارك للسقيم حمام - بيداوى
مع العرق ياما تخرجم البدن أسقام - ويلاوى
ناويين على اسكندرية؟ قلت هذا العام - مش ناوى
خلى الشواطئ لاستاذنا «رخا» الرسام - وهالصاوى»

فى الليل نسيم الفرندة - يجمع الخلان - على البهلى
والبدر ساطع على بشرف نغم كروان متجلى
تعا اما اقول لك خبايا المنظر الفتان - وتقول لى

وانس هوى كليوباتره و«لوران» - وستانلى
يابو العيون شد حيلك وامسك الكرياج - واتشمر
وأدخل على الصور عرايا فى حمى الامواج - واتنحدر
وقول لهم عيب عليكم تكشفوا لنا العاج - والمرمر
عقبال ماشوفكم عرايا فى لهب وهاج - فى يوم اغبر

ضريح السيدة

ضريح حفيذة محمد سيد الأكوان
زُواره تنسى الهيموم وتفارق الأحزان
فيه جواهره منوره متصوره إنسان
أخت الحسن والحسين السيدة زينب
واقرب الناس بعهد الوحي والقرآن

وفي المقام الكريم محتال ومحتال
ع الزائرين يلعبون نسوان ورجاله
يعرفهم المخبرين فيكي يا بغاله^(١)
ويدور عليهم نقيب يبيح من الحلوان^(٢)

في كل يوم تتنشل كام محفوظ مدح
وكل يوم تُضمُّ الشباحه والشباح

(١) حى البغاله هو الحى الذى فيه ضريح السيدة زينب رضى الله عنها.

(٢) الحلوان هو ما يعطى للص ليرد ما سرق إلى صاحبه.

واحده الحلق من ودها باللطافه راح
والتانيه ضاع من سكات من صدرها الكردان

والنصابين والصوص قاعدين بشكل مريب
فى القبه ليلاً نهراً، واسمهم محاسيب
مترصدين بالمقالب ضد كل غريب
والغرب حاضرين ألوف من كافة البلدان

وفى المقام شيخ ظريف مركون على صندوق
حالق شنبه انجليزى والدماغ مفروق
كأنه شاه والا شاهبندر تجار فى سوق
يراقب الشغل ويحصل إراد ألوان

وفى المقام الكريم يدخل هاموش وهاموش
يحبوا اهل النبى لكن ما بيصلوش
ويحبوا اهل النبى لكن ما بيذكوش
غير قرش للنذر ياريتة للفقيير غلبان

المجلس البلدى

لا تنكروا ما رأيتم من ضنى جـسـدى
ولا فـؤادى الذى أمـسـكته بـيـدى
بمحنتى لم (يُصـيـب) فى الناس من أحـد
قد أوقع القلب فى الأشـجـان والكمـد
هوى حـبـيب يسمـى المجلس البلدى

كم حل والله هول سـاـحـق وثوى
فما فـزعـت وكم نـئـب الشـتـات عـوى
فـمـا أـرـقت وزادتنى الخطوب قـوى
ما شـرد النوم عن جـفـنى القـريـح سـوى
طيف الخـيـال - خـيـال المجلس البلدى

أحـبـبـته وفـؤادى لا أحـوله
عن حـبـبه وكـفـفـانى ما أؤملـه

من وصله وكـــــما تدري عـــــوانله
إذا الرغـــــيف أتى فـــــالانصف أكله
والانصف أجـــــعله للمـــــجلس البلدى

إن جاء مـــــهدت خدى مـــــوطننا نضرا
أوراح أرسلت قلبى يقـــــتفى الأثرا
لم الق عن هجره مـــــاعشت مـــــصطبرا
أقـــــول حـــــتى لو أنى فى الطريق أرى
قـــــرشين: ذا لى وذا للمـــــجلس البلدى

فـــــقدت من أجله دارى وريتـــــها
كذاك مـــــشوقتى الأخرى وجيرتها
لكن مـــــواثيقه أحكمت عـــــروتها
كـــــأن أمى بـــــل الله تريتـــــها
أوصت وقـــــالت: أخـــــوك المجلس البلدى

الله أكبر : باسم المجلس البلدى

ضلت أناس لغير الله قد سجدت
والكل قد خففت أسرارهم ويدت
والله يعلم ما نفسى وما عبت
استغفر الله حتى فى الصلاة غدت
عبادتى نصفها للمجلس البلدى

سلوا الرسل عن أهل الهوى قدما
وكم برى الشوق فى تحبيرها قلما
وخبرونى وكونوا خير من حكما
هل دارت الرسل بين العاشقين كما
تدور بينى وبين المجلس البلدى

أعجب لعشق له فن وهندسة
جدران حوى على قلبى مؤسسة

وتلك أرقامها طهرٌ مقدسة
عندى قسسانم أشواق مكدسة
وكلاهما من حبيبي المجلس البلدى

كم بت فى الليل وحدى والزمان شتا
بلا نساء ومثلى للنساء فتى
ما قلت أف ولا قلت الزواج متى
أخشى الزواج إذا يوم الزفاف أتى
يبغى العروس صديقى المجلس البلدى

لا ابتغى أبدا عن وحدتى بدلا
وإن تزوجت وافسانى ومديدا
لم أنتظر منه يوما عفة أبدا
وربما وهب الرحى لمن لى ولدا
فى بطنها يدعى به المجلس البلدى

إن قلت من حيث رتى ملك الرقاب لمن؟
أجابنى: الأرض ملكى والسهماء إذا
له النفوس وقد أحصى لها عدداً
أمشى وأكتم أنفاسى مخافة أن
يعدها عامل فى المجلس البلدى

قد كنت فى المال والأولاد أشركه
وقد قلانى لسر لست أدركه
فإنه رأيت ظلاماً لست أسلكه
فإن جلست فجيبى لست أتركه
خوف اللصوص وخوف المجلس البلدى

هو الذى لم يدع فى الأرض شاردة
كئلاً ولا رطبة فيها وجامدة
إلا وكانت على التحصيل شاهدة
يابائع الفجـل بالمليم واحدة

كم للعبيال وكم للمجلس البلدى

غاز إذا صار العيسى جنده
ويبرم الأمر عسفا لن يعده
وإن رأيت على بابى مـ
بكي الصفيـر يريد الخبز قلت له:
دعنا لنرفع مـال المجلس البلدى

يبغى ويطلب أيضا أثوابى فأنزعها
والروح أيضا ولا أستطيع أمنعها
إذا الخطوب أحاطت كيف أدفعها
والارض والناس و...نعام أجمعها
الكل ليست لفـير المجلس البلدى

لويامن الناس ليلا ما يؤرقهم
لجاء صبحا بشير السوء يطرقهم

معاون الحـجـز بالإتـذار يـرمـقـهم
له من الجن أحـلـاف يـفـرـقـهم
ليـجـحـفـوا النـاس بـاسـم المـجـلـس البـلـدي

هـذا يُـقـل المـنـايـا فـي حـقـيـبـتـه
وذا يـنـفـذـها قـسـسـرا بـعـدـته
ثـلاثـة قـد أـقـامـوا تـحت إـمـرـته
مـن كـل جـلـف قـفـاه نـصـف جـثـتـه
كـسـائـه صـدـغ بـاب المـجـلـس البـلـدي

عـرـفـت بـالسـوء مـاضـيـه وحـاضـره
كـالـظـل أولـه يـنـتـاش أخـره
وطـاول الـهـرـم الأـعـلى ونـافـره
مـا بـال (زـيـلـن) أـعـمـى الـلـه نـاظـره
يـرـدى البـلـاد ويـعـفـى المـجـلـس البـلـدي

لو سمّتنى الصخر والفولاذ أمضغه
والريح أمسكهـا والماء أدمغه
على نكايتها قد زاد مبلغه
إن الدعاء على الجبّار أبلغه :
يا رب! سلّط عليه المجلس البلدى.

فلوس الست!

فلوس الست فلوس الست هيه اللى عشانها أنا اتجوزت!
صاحبة أطيان تسعين فدان وإيراد خمسين ستين دكان

عمَلتني وكيل على التحصيل أمضى الوصولات وأبيع محاصيل
دى سعادته تخلى العقل يشد فلوس الست فلوس الست
هيه اللى عشانها أنا اتجوزت!

جيبالى جهاز كله بوتاجاز كده عز مفيش ولا من دا جواز
ويروح طبّاخ ويجينا طبّاخ والأكل حمام وسيّاخ وفراخ
والقصعة أكلها وغيرى بعث فلوس الست فلوس الست
هيه اللى عشانها أنا اتجوزت!

فاتوا شهرين شهرين اتنين وازى معرفش صابتنا العين
جرى إيه يامدام نشرتى قوام تفوتيني ورا وتمشى لقدام!
واسمى نستيه وتقولى يا هست! فلوس الست فلوس الست
هيه اللى عشانها أنا اتجوزت!

مالت للغير واتقلّ الخير وجابت لى مراقب وسكرتير

ده تروح وياه تلعب باكاراه والتانى تروح «بارتيز» وياه
ونا فيه بقت تشخط وتهت وفلوس الست فلوس الست

هيه اللى عشانها أنا اتجوزت!

فلوس الست

كلمه يارجال ياهواة المال فلوس الستات دى وبال فى وبال
الراجل الحر الشهم المر يختارها فقيره وينت حلال
تعيش وياه ع العيش واللفت فلوس الست فلوس الست

هيه اللى عشانها أنا اتجوزت!

فلوس الست

الفجر فى باريس

الفجر نايم وأهلك يا باريس صاحيين
معمرين الطريق داخلين على خارجين
ومنورين الظلام راكبين على ماشيين
بنات بتجرى وياما للبنات أشغال
وعيال تروح المدارس فى الحقيقة رجال
ورجال ولكن على كل الرجال أبطال
ولسه حامد وعيشة واسماعيل نايمين

راحت على الشمس نومه والبلد فى ظلام
وقبل دى الشمس فات ابن المدينة وقام
الكون ينور بإيده لما شمسسه تنام
فايتها للشرق تتطلع على الأطلال
ينشف عليها الغسيل والطبل والغريال
ويقوم على لدعها النائم سنه بطل

صبيحت باريس فى غنى عنك يا شمس الدين

العلم والرقص دول فى معهد السوربون
أعجب عجوبة أشوفها لو ألف الكون
معهد حكومى، وحقه يشبه الكركون
لكن فرنسا لها دون الأمم أحوال
«ليبران» فى الاحتفال بيصحاف الشيال
وينت سوق الخضار ساكنة مع المارشال
والپوسته صندوقها واقف داخل الدكاكين

جارتى «سوزان» الجميله إالى تبيع الموز
نازل عليها المطر من فم «مترليوز»
اتبسمت للمطر أحسبها فازت فوز
بالبعد عن مشيها فى حارة الكيال
ودرب شعلان وفيه الوحل للخالخال
لكن «سوزان» اللى واقفه وقفه التمثال
مجلس بلدها جعل رجلين سوزان سخنين

* * *

شفت العيون والشفاف في باريس بتقول:
إحنا ملوك البرايا حكمنا مقبول
البسودع والفن كله عندنا بنقـول
سادات، بنا في السيادة تنضرب أمثال
أحرار محرم علينا السجن والاغلال
والفقر والذل ما لهم في بلادنا مجال
ويوم سباق «النجايب»^(١) كلنا سابقين

* * *

إن دُفَّتْ اتنين صباحا خش «موتبارناس»
حيى العذارى السكارى تحت كعب الكاس
وُجوه عزلها جمالها عن وُجوه الناس
تجذب بنورها أمم في الهند والشلال
هي «فينوس» وعبـادها من ملوك المال
وتبقى صالة «بديعة» واللى فيها مين؟

* * *

(١) النجايب - الخيل الأصيلة.

النسوان

فى كل عام للورد أوان إلا النسوان
بقدرتك نابتين ألوان أبيض وأحمر

وانت اللى تعلم ونا أجهل فيه إيه أجمل
من دى الخرد اللى لا تدبل ولا تتغير

ودى العيون اللى أشهدك بها واسجد لك
دى خلت الطاغى إنقاد لك والمتكبر

والشفتين اللى فالقهم كنت خالقهم
للابتسام ولا رازقهم دانتبا تحير

العبد يعشق بالقوة وعشق لجوه
كما جهنم؟ إيه هوه محناش معشر!!

بذمتى انت اللى جاذبنى
وياالى ذوقك يعجبنى
يا مـm

لك صنعه فى العين والحاجب
وتقول وجود الله واجب
بها تتعاجب
مين به يكفر

ولك قوالب فى الأجسام
يقلدك بحجر ورخام
غلب الرسام
يلقياك اشطر

ياست يام زناق محبوبك
حطى على القلب المشبوك
وقميص مفكوك
إيدك يعمر

ويام نص ملأيه حرير
على الكتاف أنا عقلى صغير
والنص يطير
غطى المرمـر

وياالى ساقك يسوى رقاب
فى لون حقيقته ان كان بشراب
حارت الباب
ولا مقشـر

ويا للى خصرك له حركات	تقفل شرككات
ويضج منها داود بركات	لما يحرر
فوق الحزام مشعبط فيه	النبى شـديه
لتحت همسه ياروحى خليه	يبقى محرر
ويا للى خايفه الفرق يميل	قامطه المنديل
طيب وصدرك بالهلاهيل	ليه متحششر؟
ويا للى لابسك لى جوانتى	أربعة سنتى
فى إيه خفيتى وبينتى	للى ما يظهر
ويا للى بالدراعات تمشى	ولا تسـالشى
متشمرالى وما اقدرشى	عالمشمر
ويام شمسـيه يا عايقه	على فين سايقه

يا مرشقه الوردہ اللایقه عالمشجر

هواکی بالیاسمین هافف وحلق رافف
یصافح العقد اللافف علی دا المنحصر

یا مسلمین الله یا حریم أنا مالی غریم
غیرکم أروح وایاه فی جحیم یوم المحشر

الدنیا والنسوان وخلص والراجل لاص
لاطبیل ینقع ولا بلاص لویتکسر

علیه قفا عایز الخیه وخلق ربه
وجتته المشعرانیه حاجه تقشعر

ولا الشنب والدقن یاموه مهمما حلقوه
باین وعایز لعن أبوه یرضک أخضر

ادخل جهنم ورا اللى جسمها من عاج

ابواب جهنم فى يونيو وتنفتح رسمى
للى على الشط قالت، يا جمال جسمى
يدخل جهنم وراها المعجبين ملايين
وف كل فوج الزبانية تلتقى اسمى!

ح ادخل جهنم ورا اللى جسمها من عاج
النص مفتول ونصه مكتنز، رجراج
تمثال من الحسن وسط البحر، والامواج
وفود تسلّم على التمثال وتسمى!

وادخل جهنم ورا اللى جسمها مشقوق
وخصرها بالمايوه المختصر مخنوق
الكورة يحذفها فى وجهى، ونا مفلوق
تجبنى وتقول: ناوانى الكورة ياعمى!

وَادْخُلْ جَهَنَّمَ مَعَ الَّذِينَ اتَّشَعَلَتْ عِ الْبَابِ
وَتَلْتَوِي وَتَنْفِرْدِلِي ، فِي أَدْبِ وَقَارِ
خَلَّتْنِي أَرْوَحُ لِمَرْه مَرَاتِي ، شَيْطَانُ الدَّارِ
أَقُولُ لَهَا إِمْسِي تَبْقِي طَالِقَهُ زِي أُمِّي!

* * *

وَأَقُولُ لَهُ يَا رَبِّ تَحْرِقْنِي وَنَاعِبُكَ
وَاللِّي عَشَقَ - وَاتَّعَشَقَ ، خَلَقَكَ وَمَنْ عِنْدَكَ
أَنَا كُنْتُ فِي الدُّنْيَا بِتَفْرِجٍ عَلَى فَنكِ
قَالَ لِي هُنَاكَ صَنَعْتِي ، لَكِنْ هُنَا حُكْمِي!

أحب بنت البلد

أحب بنت البلد ، وأحب بهــــــدلى
ومن بروج الأدب والفن نزلنى
أحب عوجة ، لنيمه ، أشيتكى لله
من غلبى منها ، وتشكى غلبها منى!

* * *

جاهله... إذا اتفـرجت فى جـنينة الحـيوان
تقول على النـمر قطه والوعول خرفان!
وتقول على البـنك سـيما والبلوز فـستان
لكن يصـيـبـنـى البـكـم لما تجـادلنـى!

* * *

جبانته... تصرخ من النمله بعزم الصوت
والبرص... يطلع عليها عزرائيل الموت
لكن يفوت رمش عينها في فؤادي فوت
إن كنت ميت قتيل، هو الذي قاتلني!

* * *

راكبه على الكارو تتسامر مع الحمار
والشمس فوق جسمها تشعل وتقدح نار
ولا يوم ينتظرها ابن الذوات ببكار
تقول له روح على امك وابقى قـابلنى!

احب بنت البلد من فرط خفتها
هوليود على بدعها ما تجيش عصيتها
ولا بنات لندره تتلف لفـتـها
أدى اللى جناب لى البلا... أدى اللى هابلنى!

موال فى كل منزل

بالحق بالعقل مستارين ويام
لما حنيننا الرؤوس كنا مطاياهم
ولما رفعنا الرؤوس صرنا ضحاياهم
فى كل منزل لهم واقف صلاح الدين
يفتح مقابر لاعلامهم وأدناهم

صوت المدافع سبع أيام يطربنا
ويقول لنا يا عرب للنصر قمرينا
وقبل ما يقول لنا متطمئه قلوبنا
واليوم بأقوى عزمه للميدان طالعين
لما عرفنا عدانا من حبايبنا

فرنسا وانجلترا رايمين فخراره
وانت اللى فاضله يا إسرائيل يا جاره

يا اللى علينا فى ليل ونهــــــــــــــــار منداره
غاراتك ح تترد لك غاره ورا غاره

جند المظلات وهى فى الســــــــــــــــمما شابت
ولما حطت حمــــــــــــــــولها ع الرمال دابت
قدامها جيش فى الميدان يضرب نشان ثابت
يامراسلين الصحف قــــــــــــــــولوا لجر ايدكم
ثلاث دول كلها فى بورســــــــــــــــعيد خابت

ياما اتعسه من يعيش فرحان بهندامه
ويمشى زى العريس والحقيره قدامه
إيدن بخل ع القنال معــــــــــــــــتــــــــــــــــز بمقامه
وعاد وكل العباد تــــــــــــــــتمنى إعدامه

دول ثلاثه عن الاجــــــــــــــــرام مــــــــــــــــســــــــــــــــئــــــــــــــــوله
حاتبات تقاسى لياالى سود وطويله
بالاخر تــــــــــــــــصار إحنا باتت عندنا بطوله

وعِزَّهُ كَانَتْ لِكُلِّ النَّاسِ مَجْهُولَةٌ

الشَّارِقَ وَالْغَرْبَ ضَجُّوا مِنْ بَنَى إِسْرَافِ
فِي السَّلَامِ عَامِلِينَ عَصَايِبَ تَنْهَبُ الْأَمْوَالَ
وَفِي الْحُرُوبِ غَيْرَهُمْ الَّتِي يَشْرِبُ الْأَمْوَالَ
شَعُوبَ مُحَمَّدٍ وَعِيسَى أَصْبَحُوا نَاوِيِينَ
لِكُلِّ صَهْيُونِي فَاجِرٍ يَرِيطُوهُ فِي شَوَالِ

قَالُوا حَبَايِبَ مَعَانَا وَاشْهَدُوا يَانَا
لَمَّا إِلَيْهِ هُوَ يَخْضَرِيُونَا لَا حَرْجَ وَلَا بَاسَ
وَإِنْ حُدِّدَ سَاعِدُنَا يَتَعَكَّرُ مَزَاجُ «دَالِاس»
وَيَقُولُ يَارُوسِيَا أَبْعِدِي وَأَنْتِ اخْتَشِي يَا صَبِيْنَ
دِي إِسْرَائِيلَ لَسَهُ نُونُو خُذْهَا يَتَبَبَّاسَ

لَوْ كَانَ شَالُومٌ انْتَصَرَ كَانُوا الْكَلَابَ مِنْهُ
وَيَا الدُّوَلَارَ وَالْجَنِيَّةَ وَالطِّيَّارَاتِ غَطُوهُ
وَلَمَّا يَخْفُقُ شَالُومٌ بِالْكَثِيرِ يَرْيَلُوهُ

ويصـبـرـوا لما يتـمـكن فى ملك أبوه
والصـبـر لاشـك طيب بس لو وجـدوه

فرنسا وانجلترا ردموا القنال الاثنين
وقالوا داخلين هنا نصلح ما بين طرفين
قالوا بوليس دولى حاضر قلنا مرحبتين
والبومـه واقف يوشوشها غراب البين
ويقول لها انت وانا حنعمـر الثقلين

الفقر يا أوروبا كان متخبي فى غيبه
جابه الوزير إيدن اللى ما اختشى العيبه
وهو بالذات لا قـوـه ولا هـيـبـه
أتارى فى كل أمـه ابن الذوات خـيـبـه

يامراسلين الصحف قولوا لجزايدكم
فى بورسعيد الخرابه مجرمين تحكم
تحكم فى آخر ساعاتها وشئ على إيدكم

حتى الدوا والطبيب عن أهلها منعوه
قولوا رأينا وحوش وممين يـكـذبكم؟!

أرض العرب وحدها فيها الدما جارية
من بعد مصر الجريحه تنضرب سوريا
ما تحسبوناش يا عالم حته من كوريا
داحنا اللي بنحب عيسى وستنا ماريا

بعد الهزيمة حنسمع فى بوليتيكا
يتبَحْثُ المجرمين عن أى تمحيكا
لا الروسيا خايفين ولا الجباره أمريكا
متشردين بلطجية فى بلاد الناس
ومعطلين عندكم كام ألف فابريكا

الهاطجية الارازل مين يقاضيه
فرنسا وانجلترا داخلين أراضيه
والمجرمين اليهـود لازم نراضيهـم

بمملكه عرضها بين الفرات والنيل
لأنها من سنين الحلبه ماضيهم

احنا على أرضنا الاندال بتتجاسر
والحرب بتجاسب المأسور والأسر
والباغى يوم الهزيمة يصبح الخاسر
كتب السما والشرائع كلها بتقول:
لو ينكسر صحن يدفع ديتة الكاسر

فرنسا أم المودات وانجلترا الظالمه
خلوا أوربا تبيسات فى البـرد والظلمه
وأوربا طول عمرها بالمجرمين عالمه
لصوص بأساطيل تستعمـر بلاد الناس
وأوربا غاضه النظر ماتقول ولا كلمه

طول ما اليهود جنيـنا قول ع السلام لا سلام
يرتاحوا من ضرينا ويهودوا ع الشام

وكل مجرم يهنيهم على الإجرام
ويقول لهم شدوا حيلكم وازحفوا لقدام
وابن العرب لما يشكى يبقى عيب وحرام

«فوراً» عسرفناها معناها الميعاد يتمط
معناها بالإنجليزى بلطوا فى الخط
وكل يوم تيجى فوراً دبابات ع الشط
بكره يقولوا الصاروخ من أرض روسيانت
وفى ميدان «بيكاديللى» و«سان ميشيل» انحط

من إسرائيل اليهود اتبرأت جملته
ما عايش صمويل يقبلهم ولا شمله
ونقول على كل حال يارب اهى مجاملته
مجاملته بعد العرب ما اتسلحت بالميج
واصبحت إسرائيل وسط العرب غله

قرينا كتب السما ، كتب السما بتقول

مصايب الكون أسبابها «شالوم» و«وراويل»
ويعلم الله بأيدهم كم نبى مـقـتـول
ولما تصبـح لهم بين الأمم دوله
الأرض باللى عليـها تنـتـهى وتزول

بالاختصار فى الكتابه واختصار القول
فرنسا عارفه وعارف زيها «جون بول»
إن الحديد والمطاط والزنك والبـتـرول
فى الشرق والشرق أصبح من أعاديهم
لو حركوا الشر تانى راح يشوفوا الهول

وعدونا بالانسحاب والوعد بريطانى
الكذب فيه الصـحـيح والصدق برانى
فى إسرائيل الأبالسة اتجمـعـوا تانى
وهم فى قبرص وليبيا بالسلاح واقفين
يا أرض أصبح عليكى كل شئ فـانـى

أهل العراق فى وزيرهم ليـه يحتاروا
ويامـا أهل العـراق ع الجـبارين ثاروا
راجل عليه اليـهود بيـخافوا ويداروا
يا أخت مصر الشـقيقـه قلدى اخواتك
كـان عندنا الف «نورى» كلهم غـاروا

قالوا لها يا إسرائيل أرض العرب خشى
وكل كـام يوم كـده بالدبابات قـشى
وان صـدت الدبابات بالطيـارات رشى
ولما نصـرخ فى وشك صـرختين كـشى
شـهرين ثلاثة وعـودى وارجعى نشى

قالوا لها يا إسرائيل الدنيا حباكى
وبالسـلاح فى السـمما والأرض سانداكى
ماتفـزعـيش من دمـوع اللـاجئ الباكى
جيش العرب كلهم يصـبحوا لـاجئين
حنـويـخك بالكلام وقلـوبنا وياكى

حبیب عدوک عدوک یکرهک ویاہ
وصدیق حبیبک حبیبک ماتداخلش معاه
شوف مین بیسند عدوک اسرائیل واخشاه
الفعل غیر الکلام والعقل بیقول لك
اسمع کلام السیاسی المحترف، وانسأه

وقالوا یا اسرائیل فوق العرب خطی
ومن العرراقین إلى أرض الهمرم نطی
لا تخجلی من کلام الناس ولا توطی
ولما ترجع لشعبک مملکة سلیمان
یعلامقامک وفوق الروس تنحطی

وقالوا یا اسرائیل فوق العرب هبی
ومدام بلاد مسلمین.. ع المسلمین دبی
فی کل يوم یوصلک أسطول متعبی
بقاذفات الجحیم والبمب والصواریخ

لحد ماتنهم خضى ع الأرض وتشبى

وقالوا يا إسرائيل دبح العرب جايز
حسب المزاج ادبى أطفال وعجايز
الدنيا هايصه وسهم المعتدين فايز
وان كان على اللاجئين اهل المروءة كثير
بيعطوا للاجئين شلنات ويراي

وقالوا يا إسرائيل فوق العرب دوسى
صايرى فلوسهم وقولى أصلها فلوسى
وبالخناجر فى قلب الحاملات حوشى
ومجلس الامن لما يمنعك عودى
ولا يهـمك نذير صـينى ولا روسى

وقالوا يا إسرائيل ملكك مالهش حدود
والمسلمين اللى حولك من جيـرانك دود
أما السلاح تحت أمرك بالبلاش موجود

لوتدبحى المسلمين واحدا ورا الثانى
مين اللى يحكم عليكى والاجب به شهود

وقالوا يا اسرائيل احنا اللى باعـتـيـنـك
واحنا اللى بالمال والصـواريـخ بنـعـيـنـك
ونغمض العين عنك واحنا شـايفـيـنـك
فى المسلمين ادبحى واحدا ورا الثانى
وكل ما يصـرـخـو سنى سكاكـيـنـك

فهرس

الموضوع	رقم الصفحة
- تصدير	٥
- عرفات	٦
- يامصرى أنت اللى هاممنى	٧
- حاجن ياريت يا أخوانا مارحتش لندن ولا باريز	١٠
- من كلمة هايغه	١٣
- حرامى الرغيف	١٤
- دوسيهات الدواوين	١٦
- المجارى	١٧
- قلم الايرادات	١٨
- الحجز التنفيذى	١٨
- فى الطريق	١٩
- الواسطة لسه شغالة	٢٠
- المجلس البلدى	٢٢
- الاختلاسات	٢٤
- الغش والغلا	٢٦
- المنجم	٢٧
- يا ابن البلد	٢٩
- درس خصوصى	٣٢
- زواج أوريا	٣٣
- الفلاح	٣٥
- الفن	٣٧
- عيادة الفن	٣٩
- ياهل المغنى دماغنا وجعنا	٤١
- الفن فى الشرق	٤٣

٤٥ الراديو
٤٨ فوضى الميكروفونات
٤٩ الراديو وجيل الزمان ده
٥٠ أهل الفنون يلزمها تتربى
٥٢ لوازم الست
٥٤ أطفال الشوارع
٥٦ باريس تقول قصروا الفساتين
٥٨ العامل المصرى
٦٠ يا اهل السودان يا عرب
٦١ الإنسان
٦٣ ياسلام على عيدنا
٦٤ صدفة
٦٥ الأرض
٦٦ صوت السلام
٦٨ إقطعوا إيد الحرامى
٧٠ الزحام
٧١ الخمرة
٧٣ الكارو
٧٤ القاهرة فى الصيف
٧٥ ضريح السيدة
٧٧ المجلس البلدى
٨٦ فلوس الست
٨٨ الفجر فى باريس
٩١ التسوان
٩٥ أدخل جهنم ورا اللى جسمها من عاج
٩٧ أحب بنت البلد
٩٩ موال فى كل منزل



مكتبة الأسرة



بمقر رمزي، جنب واحد
بمناخية

مركز القاهرة لجمع



مطابع

الهيئة المصرية العامة للمكتبات